

ՀԱՆԴԵՍ ԱՄՍՕՐԵԱՅ

ՀԱՅԱԳԻՏԱԿԱՆ ՈՒՍՈՒՄՆԱԹԵՐԹ

ԹԻԻ 1-12

ՅՈՒՆՈՒԱՐ - ԴԵԿՏԵՄԲԵՐ

ՃԳ. ՏԱՐԻ 1989

«ԿԻԼԻԿԻԱՅԻ ԲԵՐԴԵՐԸ»

ԼԵՒՈՒՆ ԶՈՒԳԱՍՁԵԱՆ

1198 թուականից մինչև 1375 թուականը գոյություն ունեցած Կիլիկիայի հայկական թագապետությունը հայ ժողովրդի պատմության փառալուստ շրջաններից է: Միջերկրականի փոփոխվող դրություններում հայկական պետականության պայմաններում աննախընթաց զարգացում ստացած գրքարուեստը, ճարտարապետությունը, նոր, նշանակալից ձևերում բեկառնակներ եղան գրականության բնագավառում, իրենց հետագայ վերելքն ապրեցին բնական գիտությունները եւ այլն:

Սովետական Հայաստանում այսօր այս մշակույթը գերազանցապես ներկայացուած է կիլիկեան շրջանում ընդօրինակուած, Մաշտոցի Մատենադարանում պահուած ձեռագրերով, որոնք գաղափար են տալիս մանրանկարչական գանձերի, գրականության, պատմագրության, բժշկագիտության, իրաւունքի պատմության անգին յուշարձանների մասին:

Սակայն այդ երկերից բացի կայ իրական աշխարհագրական Կիլիկիան՝ հայ արքաների արձանագրությունները կողմ, հայ քարտաշների, որմնաղիւղների նշանները պահպանող եկեղեցիների ու ամրոցների Կիլիկիան, որը անմատչելի է բազմաթիւ ուսումնասիրողների համար:

Պատմական այս տարածքի ճարտարապետական կոթողների մասին տարբեր ժամանակներում գրել են է. Դիւրոնիէն, Հ. Ղ. Ալիշանը, Հ. Սալփախեանը, Մ. Ճեւահիրեանը, Ռ. Էդվարդսը եւ ուրիշներ:

Բազմաթիւ յօդուածներով է նախապատրաստուած Ռ. Էդվարդսի «Հայկական Կիլիկիայի բերդերը» աշխատությունը, որը լոյս է տեսել այս տարի Վաշինգտոնում Դոմբարթոն Օքս բիւզանդագիտական կենտրոնի միջոցներով: Այն ամփոփուած է «Դոմբարթոն Օքսի ուսումնասիրություններ» մատենաշարի քսաներեքերորդ հատորում եւ Կիլիկիայի հայկական թագապետության ռազմական ճարտարապետությունը բնորոշելու առաջին մանրակրկիտ փորձն է: Գրքի ծաւալուն ներածականը բաժանուած է մի քանի գլուխների, որոնք վերնագրուած են 1) «Պատմական խորք», 2) «Հայկական ամրությունների յատկանիշները, քսան տարբերիչ առանձնայատկություններ», 3) «Կիլիկեան ամրությունների շարուածքը», 4) «Հայկական ռազմական ճարտարապետության տիպաբանությունը», 5) «Արաբական, բիւզանդական եւ իսլամական ռազմական շինարարությունը Կիլիկիայում», 6) «Հայկական ամրությունների ժամանակագրությունը», 7) «Իրազմական ճարտարապետության դերը միջնադարեան Կիլիկիայում, ոչ քաղաքային ստրատեգիայի յաղթանակը»:

Այս գրքում ներկայացուած են այժմ դեռեւս կանգուն եօթանասունհինգ ամրոցներ, ըստ Ռ. Էդվարդսի՝ կիլիկեան ամրությունների մեծ մասը, բայց նրա իսկ խոստովանութեամբ, յայտնաբերման կարօտ են մնում շատ հայկական բերդեր:

Աշխատութեան հեղինակի կարծիքով, այս շինությունները բազմաթիւ ընդհանրություններ ունեն պատմական Հայաստանի նմանօրինակ կառուցների հետ: Գրքի ընթերցումից երեւում է, որ

Հայերը տեսական ուժեղ պատրաստուածութիւն ունէին ռազմական շինարարութեան ասպարէզում: Կիլիկիայում բերդերի յատակազօծերի մէջ նորամուծութիւնների բացակայութիւնը արտացոլում է Հայերի թշնամիների պաշարողական գիտելիքների յարաբերական յետամնացութիւնը, որովհետեւ ռազմական շինարարութեան միջոց պատասխանում է պաշարողական պատերազմի բնոյթին: Հայրենիքից Կիլիկիա բերուած նախագծերը հարկ չկան կատարելագործելու, որովհետեւ դրանք լաւ էին ծառայում Հայերին: Այդ կոթողներում հանդէս են գալիս հայկական աւանդական յատկանիշները Միջերկրականի եւ արեւելքի անտիկ բերդաշինութեան աւանդոյթների հետ մէկտեղ, ըստ որում վերջիններս հասցուած են զարգացման բարձր մակարդակի:

Կիլիկիայում եղած արաբական եւ բիւզանդական բերդերը Հայերի ճարտարապետութեան վրայ ոչ մի էական ազդեցութիւն չթողեցին, որովհետեւ դրանց մի մասը գտնուում էր կիսակործան վիճակում կամ ծածկուած էր նոր շինութիւններով: ԺԲ. րդ դարում հայ բերդաշինարարների համար անհետեւանք անցաւ եւ Ուաչակրաց հարեւանութիւնը: Ռ. Էդվարդսը գտնում է, որ ճիշտ հակառակը՝ Եւրոպացիների համար շատ արդիւնաւէտ եղաւ ծանօթացումը Հայոց ամրոցաշինութեան սլըզ-բունքներին:

Կիլիկիայի առանձին բերդերի պարագայում Հայերի հեղինակ լինելը հեշտորէն ապացուցւում է շինարարական արձանագրութիւնների առկայութեամբ: Սուքը վերաբերում է Թամրութի, Սիսի, Մանչիլիկի (Նդլի՞ր) կառուցներին: Որոշ դէպքերում, օրինակ Կոռիկոսում, Սելեւկիայում եւ Անաւարդայում Հայերը նման յիշատակագրութիւններ են թողել այն ոչ հայկական ամրութիւններում, որոնք վերականգնել են: Ներկայումս միայն այս վեց բերդերում է, որ մնացել են հայերէն արձանագրութիւնները: Ռ. Էդվարդսի քննած եօթնասուսհինգ ամրոցներից քառասուսհորսը ամբողջովին Հայերի կառուցածն են, որ հաստատուում է կիլիկեան թագաւորութեան շրջանի ժամանակագրութիւնների տուեալներով: Այս ձեւով է հաստատուում Անաւարդայի, Զանդիրի (Պապեոն), Գեբենի (Կապան), Գիւլեկի (Գուգլակ, Կուկլակ, Գոգուլաթ), Լամբրոնի, Սարվանդիքարի, Սիքի, Վահկայի ծագումը:

Նկատուել է, որ կիլիկեան բերդերի պարիսպները համապատասխանում են իրենց հիմքի ձեւերին՝ օրինակ, ժայռերի կորագծերին: Բնական ժայռապատերը, խութերը, ցցուածքները, բարձունքները այստեղ օգտագործուում են որպէս պաշտպանական միասնական համակարգի մասեր: Այդ բերդերում հակառակորդի սակրաւորների քայքայիչ աշխատանքը բացաւուում է, որովհետեւ պարսպապատերի արտաքին մակերեսին դուրս ցցուող անկիւններ չկան: Այստեղ օղակաձեւ պատերը որպէս կանոն, թէ՛ դրսից, եւ թէ՛ ներսից կազմուած են անմշակ քարերից: Դրանք թեթեւակի դէպի ներս են ուղղուած: Այդ կարգի պատերը սկիզբ են առնում ժայռէ հիմքի մէջ փորուած ոչ խոր խրամատից եւ դրանց ներքեւի մասը աւելի հաստ է, քան վերեւի հատուածը: Մեծ կայազօր ունեցող ամրոցների ներսում ճարտարապետները երկու բակեր էին նախագծում: Բացառիկ երեւոյթ է, որ Անաւարդայում կան երեքը: Այդ ներքին բաժինները շատ կարեւոր էին պաշարման ժամանակ: Երբ թշնամին գրաւում էր ներքեւի բակը, պաշտպանները քաշուում էին վերեւին եւ այնտեղից շարունակում դիմադրել: Հայկական ամրոցներում գլխաւոր կամ մեկուսացած աշտարակներ չէին կառուցուում: Անաւարդայում գլխաւոր աշտարակի հեղինակները Ուաչակիրներն են, Հայերը այն միայն վերականգնել են: Հայ բերդաշինարարները կիրառում էին կլոր աշտարակները եւ խուսափում ուղղանկիւն կամ բազմանկիւն բաստիոններից: Աշտարակները սովորաբար կիսաշրջանաձեւ եւ պայտածեւ էին, որպէսզի աղեղնաւորները ցանկացած դիրքից կարողանային նետահարել հեռաւոր հակառակորդին: Հայկական կիլիկեան բերդերի շինարարական օրինաչափութիւններից է օղակաձեւ պարիսպների եւ վերին աշտարակների ատամնաձեւ բնոյթը, ըստ որում ատամների յետեւից պահպանուում էր նեղ անցուղին: Այս ամրութիւններում ներքեւի բակի գլխաւոր դարպասին մօտենալու արահետը միշտ կից է օղակաձեւ պարսպի հիմքին, որ հնարաւորութիւն է տալիս թշնամու վրայ կրակելու վերեւից: Պահակատից դուրս գտնուող արտաքին ամրութիւնները հազուադէպ երեւոյթ են հայկական ռազմական ճարտարապետութեան մէջ. որպէս կանոն բերդերի վայրը ընտրում էին մեծ բժախընդ-րութեամբ եւ տեղանքը ստիպում էր հակառակորդին ընտրել ու մօտեցման միակ ուղին: Եւրոպական շինութիւնների նման ջրով լի խանդակ եւ խրամատ կիլիկեան ամրոցները չունեն, որովհետեւ

կառուցուած են ժայռերի վրայ: Հայկական բերդերի բոլոր մուտքերը պաշտպանուում են աշտարակներից կամ գտնուում են օղակաձեւ մասում: Նկատուել է, որ իբրեւ սկզբունք ամրոցի գլխաւոր մուտքը անցնում է պահակատան միջով: Հետաքրքիր է, որ Կիլիկիայի բերդերի մեծ մասում մուտքերը միացնող կամարները հրակնատների անցքերով են օժտուած եւ հնարաւորութիւն է ստեղծուած վերեւից կրակելու ներս մտնողների վրայ: Այս յատկանիշը համարուում է հայկական եւ այն գոյութիւն ունի Վանի բերդում դեռեւս եօթներորդ դարում: Կիլիկեան ամրոցներում օղակաձեւ պարսպի եւ աշտարակների պատահանները հրակնատի անցքերի ձեւ ունեն, դրանց մօտենում են պատերի միջով անցնող կեռացող միջանցքով, որտեղ լուսամուտների առաջ կան փոքր կամարով խցեր, որտեղից աղեղ նաւորները կարող էին կանգնած կամ ծնկաչոք դիրքով նետահարել թշնամուն:

Հայկական ռազմական ճարտարապետութեան մէջ նկատուում է սրածայր կամարներ եւ աղեղներ կիրառելու հակումը: Գմբեթներն այստեղ հազուադէպ են եւ այդ իմաստով Եիւան Կալէի ջրամբարը կամ Լամբրոն բերդի բաղնիքը բացառութիւններ են: Կիլիկեան ամրութիւններում կամարակապ գետնայարկերը բազմաթիւ չեն եւ շարունակուող միջանցքների տեսք չունեն: Հայկական բերդերում ամենուրեք կան ջրամբարներ, որոնք յորինուած են մեծ խնամքով ու շատ խելացի կերպով. այնպէս որ ջրատարը կեռացող գծով իջնի բնական ժայռի մէջ: Ուշագրաւ է, որ Կիլիկիայի ոչ բոլոր ամրութիւններն են օժտուած մատուռով կամ եկեղեցիով, որոշ դէպքերում կայազօրների տրամադրութեան տակ էին գտնուում մօտակայ գիւղերի սրբավայրերը: Հայ բերդաշինարարները այստեղ օղակաձեւ պարիսպների, աշտարակների պահակատների պատերը կառուցում էին մեծ, լաւ տաշուած քարերից բաղկացած պարզ շարուածքով, որովհետեւ յատկապէս այդ մասերում էր հակառակորդը կիրառում պաշարողական գործիքները: Կիլիկիայի Հայերը Բիւզանդացիների նման աղիւս չէին օգտագործում, միայն բերդերի ներսում՝ մատուռի կամ ջրամբարի համար էին պահում այն: Պաշտպանական առաջին գծերում առհասարակ ուժեղ շարուածք էին դնում, իսկ խառն անկանոն շարուածքը հանդիպում է բերդերի ստրատեգիական նշանակութիւն չունեցող մասերում:

Կիլիկեան ամրութիւնները այս բոլոր ընդհանուր յատկանիշներով հանդերձ միատեսակ, միանման չեն: Այստեղ պահպանուած կառուցները բաժանուում են երեք կարգերի. դիտակէտերի, ազնուականական ամրացուած տների եւ անընդհատ գոյութիւն ունեցող կայազօրների կայանների: Փաստօրէն բոլոր բերդերը այստեղ որոշ առումով դիտակէտեր էին, բայց դրանց մի մասը շինուած էր յատուկ դիտման նպատակներով:

Դիտակէտերը փոքր ամրութիւններ էին, նախատեսուած շուրջ հինգ մարդու համար: Վտանգի դէպքում մօտակայ կայազօրներին այդտեղից լուր էին տալիս կրակի կամ ձիււոր սուրհանդակների միջոցով: Նոյնպիսի նշանակութիւն ունէին մեկուսի վանքերից շատերը, որոնցից տեսանելի էին կարեւոր հովիտներն ու ճանապարհները:

Կիլիկեան ամրութիւնների միւս մասը ուղղանկիւն բնոյթ ունի եւ ժամանակին պատկանել է մանր ազնուականութեան: Սովորաբար դրանք երկյարկանի են եւ շուրջ 200 քառ. մ. տարածութիւն են գրաւում: Թէեւ այդտեղ կարելի է պատասպարուել եւ անգամ նետեր արձակել հակառակորդի վրայ հրակնատների անցքերից, բայց այդուհանդերձ նման ամրութիւնները խոցելի են թւում եւ հիմնականում վայելում են մօտակայ կայազօրային բերդերի պաշտպանութիւնը: Այս կարգի շինութիւնների շարքում իր բնոյթով առանձնանում է Տաւրոսի լեռներում գտնուող, այսօր Սարը Չիչէկ կոչուող համալիրը, որը ամառային պալատ է կամ վանք, բաղկացած բազմաթիւ կառուցներից, անգամ մատուռից:

Ուշագրաւ է նոյնպէս Տաւրոսում տեղադրուած, ներկայումս Անդիլ կոչուող բերդը, որը թշնամու յարձակման ժամանակ ապաստան է դարձել հայ արքաների համար: Կան երկու կառուցներ, որոնք կամ այսպիսի կառուածային տներ են կամ կայազօրային ամրոցներ: Դրանք այսօր կոչուում են Թեքէ եւ Քիզ: Երկուսն էլ չորս յարկ եւ աշտարակներով օժտուած անկախ օղակաձեւ պարիսպ ունեն: Լրացուցիչ տարածութիւնը, ինչպէս նաեւ պաշտպանական գծերը ստիպում են ենթադրել կայազօրի գոյութիւնը: Նման կառուցներից միայն այս երկուսն են, որ լեռների գագաթներին չեն

տեղադրուած: Բերդերից առաջինը գտնուում է ծովափին, իսկ երկրորդը՝ հարթավայրում: Կիլիկիան Հայերը երբեք Ներուպայիններին տիրոջներ չէին շնորհում լեռներում, ուստի պէտք է ենթադրել, որ դրանք Սաչակրաց ամրութիւններից են եղել: Այդ բերդերի հայկական շարուածքը յուշում է, որ աշխատող որմնադիրները Հայեր էին:

Կայազորային ամրոցները պաշտպանողական ուժեղ հնարաւորութիւններով օժտուած փոքր կամ մեծ շինութիւններ են, որտեղից լաւ դիտելի են զորաշարժերը ճանապարհներին եւ կարելի է տաս կամ երեսուն մարդկանցով թէ՛ դիմադրել, եւ թէ՛ պաշտպանել ուղիները:

Հայկական ժամանակագրութիւնների համաձայն, Վահկայի, Անաւարդայի, Լամբրոնի նման բերդերը մեծ կայազորներ ունէին եւ մշտական աթոռանիստներն էին կիլիկիան բարձրաստիճան ազնուականութեան:

Ըստ Ռ. Էդվարդսի, Հայոց թագաւորութեան տարածքի եօթանասունհինգ ամրութիւններից քառասունչորս հայկական կառուցողական ոճի դրսեւորում են եւ վերջիններից տասնչորսը վաղ ժամանակները ոչ հայկական շրջանի մնացորդներ ունեն: Ոչ հայկական երեսունմէկ բերդերից քսանինը կառուցուած են Արաբների, Բիւզանդացիների, Սաչակիրների միջոցներով, այդ թւում են նշանաւոր Այասն ու Կոռիկոսը: Մրանցից շատերը մի քանի հայկական յատկանիշներով հանդերձ, յատակագծերով եւ շարուածքով շատ տարբեր են հայկական շինութիւններից: Այս կարգի յուշարձաններից Դիբի կոչուող ամրոցը հայկական բազմաթիւ առանձնայատկութիւնների շնորհիւ կարող է Հայերի շինածը լինել:

Կիլիկիան աւանների տարածքում մինչեւ օրս պահպանուում են հռոմէական կայսրութեան ժամանակների ամրութիւնները, կարելի է օրինակ այս առումով յիշատակել Անաւարդայի եւ Միսիակրոպոլիսը: Յայտնի է, որ Կիլիկիայի արաբական նուաճման ժամանակ եօթներորդ դարի երկրորդ կէսից յետոյ լքուած, կիսաւեր բերդերը նորոգուել են եւ համալրուել ռազմական ոյժերով: Այսպիսի ամրացուած կենտրոններից հարկ է նշել Տարսոնը, Ադանան, Միսիսը (Մամեստիա), Միսը: Նոյնը վերաբերում է եւ Անաւարդային, որը պէտք է ուժեղ վնասուած լինէր իններորդ դարի սկիզբին եւ կէսին, ենթարկուելով բիւզանդական զօրքերի յարձակմանը: Միայն այնտեղ եւ Տարսոնում կարելի է դեռեւս գտնել արաբական նորոգումների հետքերը, որովհետեւ Կիլիկիայի արաբական ռազմական ճարտարապետութիւնից շատ քիչ բան է պահպանուել: Ե՛ւ Անաւարդայում ե՛ւ Տարսոնում Արաբներից մնացած շէնքերի քարերը հանել եւ կառուցումներ են արել ըստ սկզբնական յատակագծի: Կիլիկիայի հողում անհամեմատ շատ են բիւզանդական շինարարութեան հետքերը: Բիւզանդական կառուցներից են օրինակ Լամասի բերդը, Կոռիկոսի ցամաքային ամրոցը: Արաբներին Միջերկրականի այս ափերից քշելուց յետոյ, Բիւզանդացիները վերականգնել կամ կառուցել են Անաւարդան. Սարվանդէքարը, Լամբրոնը, Վահկան: Աւելի ուշ, արդէն Հայերի օրօք դրանք կրկին վերանորոգուել են եւ բիւզանդական յատակագիծը ծածկուել կամ խախտուել է: Բիւզանդական մասից մնում են միայն օղակաձեւ պարիսպները:

Կիլիկիայի ամրոցաշինութեան մէջ իրենց աւանդն ունեն Հայերից հողեր եւ բերդեր կառուցելու իրաւունք ստացած Սաչակրաց Կարգերը: Այսպէս՝ Սելեւկիայի հզօր ամրոցը լրիւ շինեցին հիւրընկալ ասպետները, իսկ Տեւտոն ասպետների օրօք գոյացաւ Ամուրայի բերդը: Վերջիններս վերակառուցեցին եւ Հարունիէի արաբական համալիրը: Իրենց հերթին Տաճարականները կառուցեցին Թրափեզակի ամրութեան մեծ մասը: Այս յուշարձանները շատ տարբեր են միմեանցից, քանի որ ստեղծուել են տարբեր ժամանակներում, տարբեր Կարգերի միջոցներով եւ ռազմական տեսութիւնների դրսեւորումներ են: Թեքէի եւ Բիզի բերդերը հայ որմնադիրների գործերն են յիշեցնում, բայց յատակագծերով նման են արեւելքի Սաչակրաց ամրութիւններին: Կիլիկիան չորս կենտրոններից Անաւարդան, Միսը, Թոփրակը եւ Թումուշ Մամուքների ձեռքն անցնելուց յետոյ, ԺԴ-ԺԵ.րդ դարերում մասնակի նորոգումներ են կրել:

Ժամանակի պատմիչներից Միքայէլ Ասորին հաղորդում է, որ Լեւոն Ա. արքան իր գերիշխանութեան տակ է ունեցել վաթսուներկու ամրոց: Այս փաստը, ինչպէս նաեւ Անաւարդայի եւ Կոռիկոսի շինարարական արձանագրութիւնները հիմք են տալիս ԺԹ-Ի.րդ դարերի ուսումնասիրողներից

շատերին պնդելու, որ Կիլիկիայի առաջին թագաւոր Լեւոնն է կառուցել ամրութիւնների մեծ մասը, մանաւանդ, որ նրա ձեռքին էին տնտեսական ու վարչական բոլոր միջոցները: Ռ. Էդվարդսը գըտնում է, որ ճիշդ չէ, բոլոր բերդերի շինարարութիւնը կապել նրա եւ նրա յարգողների հետ: Գիտնականի կարծիքով ԺԱ.րդ դարի վերջին քառորդին Կիլիկիա եկող Հայերը չէին կարող սպասել կիսակործան ամրոցներում մինչեւ թագաւորի անակնկալ յայտնութիւնը: Թագաւորութիւնը կարող էր ստեղծուել միայն ամրութիւնների ուժեղ համակարգի կողմից ապահովուած քաղաքական եւ տնտեսական կայունութեան պայմաններում: Այս եզրակացութեան օգտին են խօսում Թորոս Ա. իշխանի Անաւարդայում 1111 թ. եկեղեցի կառուցելու, նաեւ Վահկայում նորոգումներ կատարելու փաստերը: Հնարաւոր է, որ Լամբրոնին ԺԲ.րդ դարի կէսին արդէն տիրող Հիթումեանները իրենց տոհմական ուստանը պէտք է որ ամրացնէին ու գեղեցկացնէին նոյն այդ ժամանակ: Ըստ Ռ. Էդվարդսի, Լեւոն Ա. ի ենթակայութեան տակ եղած վաթսուներկու բերդերը կառուցուած էին մինչեւ նրա իշխանութիւնը: Իսկ նրա օրօք եւ հետագայում՝ ԺԳ.րդ դարում ամրոցաշինութիւնը շարունակուեց նոր թափով:

Կիլիկիայի խոր կիրճերով, անմատչելի սարերով հարուստ տեղանքը բնական պաշտպանական ամբողջութիւն է ինքնին եւ Հայերը, մեղափոխուելով այդտեղ, ամրութիւնների խիտ ցանցով պատեցին լեռները, իրենց հսկողութեան տակ առնելով թէ՛ հիմնական, թէ՛ օժանդակ ուղիները: Նրանք գրեթէ անկարելի դարձրեցին թշնամու անակնկալ յարձակումները: Մինչեւ հարթավայրերը հասնելը հակառակորդը միշտ ստիպուած էր ընդհարուել բազմաթիւ բերդերի պաշտպանների հետ, այսպիսով հնարաւորութիւն տալով վերջիններին ժամանակ շահելու ծանօթ տեղանքում ճակատամարտ տալու համար:

Միջերկրականի ծովափը՝ Կիլիկիայի հարաւային սահմանը թւում է, թէ պիտի լինէր հայկական թագաւորութեան ամենախոցելի թեւը: Բայց իրականում այն բաւականին դժուարամատչելի էր զօրքերը ցամաք հանելու իմաստով: Ո՛չ միայն այստեղ եղած մի քանի ամրացուած նաւահանգիստների պատճառով, այլ որովհետեւ մշտական եւ ծանր տիրմը, աւազաթմբերը ջրի տակ դժուարացնում էին նաւերի ափին մօտենալը: Հայերը բնակութիւն չէին հաստատում ծովափին՝ հին լքուած քաղաքներում եւ այդ իմաստով Այասը բացառութիւն էր: Հայաբնակ քաղաքները որպէս կանոն գտնուում էին երկրի ներսում, ինչպէս Միսիսը, Ադանան, Միսը, Տարսոնը: Հայերը ապրում էին միայն երկու նաւահանգիստներում՝ Այասում եւ Կոռիկոսում, ըստ որում դրանցից միայն առաջինը ունէր քաղաքային բնակչութիւն:

Այսպիսի հետ առեւտրական ուղիներով կապուած Միսիսի շրջակայքի բազմաթիւ կայազորային բերդերը մտածել են տալիս Այասի վենետիկեան եւ ճնոպական առեւտրական տներին տրուող կարեւորութեան մասին:

Հայերը բնակութիւն էին հաստատում Կիլիկիայի լեռնոտ հովիտներում եւ բերդեր սարքում սարերի անմատչելի գագաթներին, ճիշտ այնպէս ինչպէս դա անում էին իրենց պատմական հողում՝ Վասպուրականում եւ Այրարատում: Երբ թշնամին գրաւում էր հարթավայրերը բնակչութիւնը ապաստան էր գտնում լեռներում: Ռ. Էդվարդսը գտնում է, որ հայկական պետութեան բնակչութեան մեծամասնութիւնը գիւղացիներ էին, նրանց շէնքերը անմիջապէս փոռուած էին մեծ կայազոր ունեցող ամրոցի շուրջը եւ վտանգի դէպքում բնակիչները կարող էին պատսպարուել բերդի պարիսպների ներսում: Հայկական բնակչութեան գիւղացիական բնոյթը ոչ միայն ապահովում էր աւատական կարգերի գոյութիւնը, այլ եւ պաշտպանում դրանք կարող միջին դասից:

Սարերի վրայ իշխելով, կիլիկիան Հայերը ոչ միայն տարածում էին իրենց տիրապետութիւնը Անատոլիայի ամենաբեղուն հողագործական շրջանի վրայ, որը աչքի էր ընկնում իր արգասաբեր ընդերքով, ջրի մշտական պաշարներով, մեղմ եղանակներով, այլեւ տուրք էին առնում անցնող դարձող կարաւաններից: Անհրաժեշտ է յիշել, որ Այասով, ապա Սեբաստիայով ու Երզնկայով էր անցնում Ներուպայից Պարսկաստան գնացող առեւտրական գլխաւոր ուղին: Այստեղ գանձուող հարկերից հաւաքուող գումարից կարող էին վճարել կիլիկիան արքաները նոր ամրոցների կառուցման ծախսերը եւ կայազորների զօրականների ուժիկը:

ԺԳ-րդ դարի առաջին տասնամեակում Կիլիկիա այցելած գերմանացի արքեպիսկոպոս Վիլլ-բրանդ Ֆոն Օլդենբուրգը իր զարմանքն է յայտնում հայկական թագաւորութեան բերդերի առիթով, բայց չի թաքցնում իր յուսատեսութիւնը մայրաքաղաք Միսը տեսնելով: Նա նկարագրում է վերջինը իբրև անպարիսպ մի գիւղ, իր գովաբանութիւնը պահելով ամրոցի եւ պարսպաւոր պալատի համար: Նրա թողած Անաւարդայի պատկերից երևում է, որ անտիկ քաղաքը այստեղ լքուած էր եւ միայն յարակից ամրոցն էր զբաղեցուած: Ըստ նրա, Միսիսը փոքրաթիւ բնակչութիւն ունէր եւ միայն Տարսոնն էր մարդաշատ, որտեղ գերակշռում էին Յոյները:

Կիլիկեան պատմութեան եւ մշակոյթի քննութիւնը ցոյց է տալիս, որ ապահովութեան պատճառով յատկապէս լեռներն, եւ ոչ թէ հարթավայրն էր հայկական թագաւորութեան սիրտը: Դա է պատճառը, որ մայրաքաղաքը Հայերը Անաւարդայից տեղափոխեցին Միս՝ Տաւրոսեան լեռների ստորոտը եւ նաեւ թագաւորութիւնը գոյութիւնը շարունակեց չուրջ հարիւր տարի մայրաքաղաքը Մամուլքների կողոպտելուց յետոյ: Թագաւորն ու արքունիքը միշտ հնարաւորութիւն ունէին քաղուելու անմատչելի լեռները: Հարմանալի չէ, որ գրադարանների, արուեստանոցների, մանրանկարչական դպրոցների մեծ մասը Տաւրոսի վանքերում եւ ամրոցներում էին:

Բերրի հողերին տիրելու համար, Միջերկրական Մովի ավիւր տեղափոխուած Հայերը օգտագործեցին բնական խոչնդոտ հանդիսացող լեռնաստաններն ու բոլոր կիրճերի անցքերի մօտ կառուցեցին շարունակական շղթայով ձգուող ամրոցներ, ճիշտ այնպէս, ինչպէս հազարաւոր տարիներ առաջ արել էին Ուրարտացիներն ու Ռուսա Ա.ն Վանայ լճի ավիւրին: Այդ ոչ քաղաքային ստրատեգիան իրեն լիովին արդարացրեց, երեք դար շարունակ ապահովելով հայերի ներկայութիւնը Կիլիկիայում:

Ռ. Էդվարդսի գրքում ներածականին յաջորդող բերդերի ցուցակում (կատալոգում) իւրաքանչիւր շինութիւն մանրամասն ներկայացւում է բոլոր ճարտարապետական մանրամասներով ու պատմական անցեալով: Ներածականին հետեւող առաջին յաւելուածում տրուած են տարբեր կառոյցների շարուածքի վրայ նշանները: Երկրորդ յաւելուածում բերուած են բիւզանդական եւ Կիլիկիայի բերդերի պատերի շաղախի քիմիական վերլուծութեան արդիւնքները, որոնցից հեղինակը եզրակացնում է, որ Հայերն ու Բիւզանդացիները տարբեր ձեւով էին պատրաստում շաղախը: Երրորդ յաւելուածում անգլերէն թարգմանութեամբ ներկայացուած է Լեւոն Ա.-ի (1198-99) թագաւորութեանը ներկայ ազնուականների ցանկը, ըստ Մմբատ Սպարապետի տուեալների: Հեղինակի ուսումնասիրութիւնների համար այն էական նշանակութիւն ունի, քանի որ իւրաքանչիւր իշխանի անուան դիմաց նշուած է նրա տիրոյթը: Գրքի վերջում գետեղուած տեղանունների եւ անձնանունների ցանկերը, ինչպէս նաեւ 300-ից աւելի սեւ ու սպիտակ եւ գունաւոր վերատպութիւնները մեծ կարեւորութիւն են հաղորդում խնդրոյ առարկայ ուսումնասիրութեանը: Թեմայի բացառիկութեամբ, նոր եւ հարուստ փաստական նիւթերի առատութեամբ, մեթոդաբանական նոր եղանակներով, գիրքը կարող է դասուել հայ ճարտարապետութեան քննութեան նուիրուած լաւագոյն երկերի շարքը:

ATHANASE D'ALEXANDRIE DANS LE FLORILÈGE ARMÉNIEN DU MANUSCRIT GALATA 54 (Deuxième Partie)

PAR
CHARLES RENOUX

La première partie du florilège athanasien conservé par le manuscrit arménien *Patriarcat d'Istanbul Galata 54* (XIV^e s., pages 61-102) a été présentée dans un article des *Mélanges Antoine Guillaumont*¹. L'analyse de la suite du dossier, que les limites imposées à la précédente contribution ne permettaient pas de poursuivre, est menée à terme dans les pages suivantes. Cependant nous reviendrons auparavant sur la cinquième section de la première partie du florilège athanasien² - extraits éventuels du *de Incarnatione et contra Arianos* de Marcel d'Ancyre³ - que nous n'avons pu étudier entièrement⁴.

Voici quelques abréviations auxquelles nous aurons fréquemment recours:

CASEY, *Armenian Manuscripts* = R.P. Casey, *Armenian Manuscripts of St. Athanasius of Alexandria*, dans *The Harvard Theological Studies* 24 (1931), p. 43-59.

CASEY, *Letter to the Antiochenes* = R.P. Casey, *The Armenian Version of the Pseudo-Athanasian Letter to the Antiochenes, and of the Expositio fidei* (*Studies and Documents* 15), London/Philadelphia, 1947.

LAMPE = G.W.H. Lampe, *A patristic greek Lexicon with addenda et corrigenda*, London, 1984.

Lexicon Athanasianum = G. Müller, *Lexicon Athanasianum*, Berlin, 1952.

Mélanges Guillaumont = *Mélanges Antoine Guillaumont. Contributions à l'étude des christianismes orientaux*, Genève, 1988.

Ծ. *Տայեցի, Սրբոյն Աթանասի Աղեքսանդրիոյ հայրապետի ճառք, թուղթք եւ ընդդիմացութիւնք.*

TAYEC'I, S. *At'anasi* = E. Tayec'i, *S. At'anasi Aleksandrioy hayrapeti çark', t'ut'k' ew anddimasc'ut'iwnk'*, Venise, 1899.

THOMSON, *Quotations* = R.W. Thomson, *Quotations from Athanasius in the Root of Faith*, dans *Armenian and Biblical Studies* edited by M.E. Stone, Jérusalem, 1976, p. 182-203.

CPG = *Clavis Patrum Graecorum* (M. Geerard).

PG = *Patrologia Graeca* (J.-P. Migne).

¹ Cf. *Mélanges Guillaumont*, p. 163-171.
² *Ibid.*, voir p. 164, la composition du dossier, et p. 168-171, la présentation incomplète des textes composant cette cinquième section.
³ Cf. CPG 2806; PG 26, 984-1028.
⁴ Cf. *Mélanges Guillaumont*, p. 169.